

1 Stori

Isrel äbot täño manbiñam ätu

1 Stori 29:10-18

Devittä Yawe iniñ oretkuk

- ¹⁰ Devittä käbeyä iñamiken Yawe ñode iwetpäñ iniñ oretkuk;
O Yawe, oranin Isrel täño Anutu, gäkken ganiñ oretoret tärek-täreki nämo it täyon. ¹¹ ^a Gäk kunum gänañ ba kome terak, wäp biñam, kehäromi, peñyäneñek, ba epmäget kudän kuduhtagän gäkñata biñamgän täkañ. Gäk imaka kuduhtagän yabäñ yäwatta biñam, ba imaka kuduhtagänta intäjukun it yämik täyan.
- ¹² ^b Täñpäkañ ahän bumbum ba wäp biñam gäkken nanik äbäk täyak. Täñkañ gäk imaka kuduhtagän täño ärowani. Ämawebe kuduhta wäp biñam ba kehäromi yämikta gäk ketkaken kehäromi itak.
- ¹³ Unita Anutunin, gäka bänep täga nadäñ gamiñpäñ wäpka biñam säkgämän yäpmäñ akukamäñ.
- ¹⁴ ^c Täñpäkañ iron tañi pähap pekamäñ ñonita nadäwätäk täyat. Mebäri imata gäkä näk ba ämawebenaye äpani ñonita nadäñ nimiñiri iron tañiinik ño pekamäñ? Näk nadätat, imaka imaka kuduhtagän yäpmäñ kuñat takamäñ uwä gäkkengän äbäñ morek täkañ. Unita iron gamikamäñ ñowä gäk ketkaken naniktä äbanigän.
- ¹⁵ ^d Naniye oraniyetä kome terak kadäni keräpigän it täñkuño udegän, gäkä nibäñiri kome mähem ude nämo, kome terak itpäñ-nadäknin keräpigän ude täk täkañ. Kome terak irit kuñat-kuñatnin uwä

^a 29:11 1Ti 1:17, 6:15; Jud 1:25; Rev 4:10, 5:12 ^b 29:12 Lo 11:18; Mat 28:18; Efe 3:16,20; Kol 1:11 ^c 29:14 1Ko 15:10; 2Ko 3:5, 12:9-11; Jem 1:7 ^d 29:15 Sam 119:19; Hib 11:14-16; 1Pi 2:11; Jem 4:14

- imaka bäräŋeŋ ahäŋpäŋ paot täkaŋ ude bumik. Nin kumäŋ-kumäŋ täga nämo irepmiŋe.
- 16 Unita Yawe Anutunin, wäpka kudupita kudupi yot kubä täneta täŋ-bumbum pekamäŋ ŋowä gäk ketkaken naniktä äbanigän. U kudup gäkŋogän.
- 17 Täŋkaŋ Anutu, näk ŋode nadäk täyat; Gäk äma bänepnin nibäŋpäŋ nadäwanitä äma imaka u ba u täŋpayäŋ nadäŋpäŋ täŋyäkŋarani terak nämo, kudän siwoŋi terakgän täk täkaŋ udewanita gäripi nadäk täyan. Unita bänepna siwoŋi terak, ba äma kubätä peŋ näwerirän nämo, näkŋaken gärip terak imaka ŋo peŋ gamitat. Täŋpäkaŋ ämawebekaye ŋo imaka, iniken gärip terak iron buŋät gamiŋirä yabäŋpäŋ oretoret taŋi nadätat.
- 18 Unita Yawe, oraniye Abraham, Aisak, Jekop täŋo Anutu, ämawebekaye iron kädet tägagämän täkaŋ ŋo nämo paorekta nadäŋ yämiŋiri bänepi täŋo gäripini pen kaŋ it yäpmäŋ kwän. Ba täŋkentäŋ yämiŋiri bänepi gäkkengän peŋpäŋ kaŋ kuŋat yäpmäŋ kut.